



**PARLAMENTO
NACIONAL**
República Democrática de Timor-Leste
GABINETE DO PRESIDENTE

Breves palavras Sua Excelencia Prezidenti Parlamentu Nasional
Dr. Aniceto Longuinhos Guterres Lopes
iha ocasião re-estruturasaun GOPAC Capitulo Timor-Leste
Terça-feira, 20 Julho 2021

Senhor Prezidenti Ezekutivu GOPAC Capitulo Timor-Leste,
Senhor Prezidenti Conselho Administrasaun GOPAC Timor-Leste,
Distintos Deputados no membros GOPAC.

Iha okaziaun ida ne'e hau hakarak kongratula responsaveis no pessoal sira hotu nebe halao papel GOPAC Capitulo Timor-Leste.

GOPAC nudar rede anti-corrupção global ida nebe halibur parlamentarios sira nebe kontra korrupsaun. Ita agradese tan Rede internacional ne'e iha Capitulo ida iha Timor-Leste no funsiona besik kedas iha Parlamentu Nasional nia funsaun sira.

Ho re-estruturasaun ida ne'e hau hakarak bolu atensaun no desafia responsavel sira nebe sei eleitu liu husi mekanismu GOPAC nian, atu sai proativu liu tan liu husi meius no instrumentu sira nebe existi ona iha Parlamentu Nasional no iha Estadu Timor-Leste hodi kontribui ba esforsus prevene no kombat korrupsaun iha Timor-Leste.

Tinan liu ba ita aprova ona Medidas Prevensaun no Combate Corrupção (MPCC) iha Timor-Leste. Lei ida importante ba Timor-Leste agora no iha future, nebe sai mos instrumentu essencial ida ba GOPAC Timor-Leste nia servisu. GOPAC Capitulo Timor-Leste preziza artikula didiak implementasaun MPCC iha ambitu Parlamentarios/Deputados no iha ambito funsionalismo publiku iha servिस

administrasaun parlamentar. Kampu kombate ida nebe besik kedas GOPAC nia matan no ida ne'e mak razaun de ser existencia GOPAC mundial.

GOPAC Timor-Leste bele artikula mos nia papel sira iha kooperasaun ho agencias ka instituisaun Estadu nian sira seluk iha medidas prevensaun no sensibilizasaun publika kona ba prevensaun korrupsaun ka halo sensibilizasaun ba grupos kategorias iha sosiedade inklui eskola sira. Maibe importante liu mak papel deputados sira ba prevene no kombate korrupsaun hodi hatudu imagein proativu parlamentariu sira ka deputadu sira kontra korrupsaun iha konstrusaun no rekonstrusaun ita nia Estadu no ita nia sosiedade Timor-Leste.

Hein katak ho re-estruturasaun ida ne'e GOPAC Timor-Leste bele marka diferensa kualitativu no kontribui ativu liu tan ba prevene no kombate korrupsaun iha Timor-Leste.

Hamutuk ita kombate korrupsaun hamutuk ho GOPAC Timor-Leste no ho Deputadu sira nia kontribuisaun diretu no ativu.

Obrigadu Barak